

Concurso de relatos y poemas en aragonés ribagorzano
CONDAU DE RIBAGORZA
Ayuntamientos de Estadilla, Fonz y Graus

Llibré de paixentá

Agustín Sesé

Edición 2006

Accésit poesía

Salto y blinco per el monte descalzu y triando espinos ,
mejor que nesos llugares con madreñes y escarpinos.

Tradizional asturiano

BOIRA CORACHA

Aire de tronada
se barrunta sanmiguelada
pe la bena del brazal
esbellugan banbolletas
cuan la fe-fe
chemeca

Al inte se siente bella esquillota,
bufa bochornera
sientes como la bate ixa güellota?
Preparate zagal
que ya chufila la bota!!

Royisco el barranco
cuan el buro se desfeiga
brincara raixoso el sisallo
y mos chitaren llargos
encima bell arnallo.

Concurso de relatos y poemas en aragonés ribagorzano
CONDAU DE RIBAGORZA
Ayuntamientos de Estadilla, Fonz y Graus

EMBARRADURA

Si te chitas llargo
de contino
si fas sogueta
to'l día

no te decantes pe'l
carrerón
no dices l'esmo al raso

Para cuenta de lo
que fás i desfás

Guarda-te-ne de las barucas !

De la misma traza
que se chupe
el batallo
con el cerbero muxau
tamé s'ixuga
el corazón
cuan plloras
d'amor.

AIRERA

La marinada,
bufa las artigas

en las cabanetas,
tremontana esbielladora

pe las cañafernas
ixufrina bochornera

y en el rincón de terral
eslambios de cierzera.

Cal que bufe de tó
Cal para cuenta.

Concurso de relatos y poemas en aragonés ribagorzano
CONDAU DE RIBAGORZA
Ayuntamientos de Estadilla, Fonz y Graus

SANMILAGALADA

Ben en deben de
nabene
que ban chuntos
y no se fan
... que se fan y no
fan chunta.

Prou chen entrechira
el chou chemecan
fartos de chunise
... enfarragus de beye-se,
escorcollan-se el tozuelo
... pa i fen
nabatian de contino.

Pa que'l fan ?
... regula no'l saben que
mai to s'acaba
que'l choto
esbelega
cuan no portia el
cuartizo.

Guarda si caldrá
dixalo está
que no se torne estaízo
que no se mos feiga
chubillo.

TAME DIBAN

Diban que pal ibierno
cal tení cenzero
Diban que cal metese a resguardo
fica-se al pallero
tenilo cllaro.

Diban que pa i ben cal tení parella
fese morisquetas,
chuga con ella.

Ñate tu per ane
to ixo que me diban
se m'entrecllarece pel tozuelo
como una fllamarada
que mascara
el moll de la mia alma

pos...
beigo que fese gran
enfarraga más que apapazá rabosas
y el desbol en que bibin
dixa la chen ensubinada
gargochan martingadas.

Concurso de relatos y poemas en aragonés ribagorzano
CONDAU DE RIBAGORZA
Ayuntamientos de Estadilla, Fonz y Graus

SOLEDÀ

Meyodiada; esquena chupida
Marinada ; polseguera entalto

... cocheta enchugaldrida
farta-te de corrè
guardan l'orilla.

Ni
fame
tiengo

entretantas repelo el
tocho
con la naballa del
orgullo,
que encara
amolo
con el palluz
de los ricuertos.

ALCORDANZA

Engolfaus los ricuertos
barrunto l'ixamen de bella
mormor de lluminetas
que brincan raixosas
como repllegaizos,
como barfollas de ixas añadas
que encara chugaba
pe los espinganez
estroliquean a lo estorrull
baixan las costeras a fuego
pleno de berllancos...

y cuan feban fuineta
Mos rebolcaban pel sementerò,
mos chitaban en los palleros,
reñiban con las pinochas.

Paize esclatero
que de gran escriba poemas
y guarde güellas.